

KERATAN AKHBAR

(Bahagian Canselori)

Surat khabar: Utusan Borneo (Tempatan)

Hari/Tarikh: 25/8/2016

Muka surat: 5

Tajuk : 280 pelajar UNIMAS ceriakan penghuni Rumah Seri Kenangan



CERIA: Rubiah bersama tetamu kehormat lain dan para pelajar UNIMAS bergambar dengan penghuni Rumah Seri Kenangan Kuching sempena Program Hari Komuniti, Kursus Induksi Liaison Officer (KILO) UNIMAS.

280 pelajar UNIMAS ceriakan penghuni Rumah Seri Kenangan

KUCHING: Penghuni Rumah Seri Kenangan di sini diceriakan dengan kehadiran seramai 280 pelajar Universiti Malaysia Sarawak (UNIMAS) semalam dalam Program Hari Komuniti sempena Kursus Induksi Liaison Officer (KILO) UNIMAS.

Dalam program amal tersebut, para pelajar terbabit telah meluangkan masa bersama seramai 66 warga emas di situ dengan membuat pelbagai aktiviti seperti sesi 'ice-break-

ing', sesi perkongsian dan sebagainya.

Turut hadir bagi merasakan program itu, Ahli Parlimen Kota Samarahan Rubiah Wang yang memuji usaha pelajar berkenaan dalam menunjukkan keprihatinan terhadap golongan yang memerlukan.

"Usaha para pelajar UNIMAS ini sangat baik dan saya berharap usaha ini akan diteruskan pada masa akan datang," katanya.

Turut hadir Timbalan Pendaftar Pusat Khidmat Pelajar UNIMAS Nasriman Abdul Rahman, Timbalan Pengetua Rumah Seri Kenangan Kuching Nurul Aimidiana Oton dan wakil daripada Jabatan Kebajikan Masyarakat (JKM) Kuching Dusim Oh Siong.

Program Hari Komuniti ini merupakan salah satu aktiviti selingan dalam KILO, dalam usaha pelajar UNIMAS bersedia menerima pelajar baharu ambilan September

2016/2017.

Selain Rumah Seri Kenangan Kuching, para pelajar terbabit turut telah berkunjung ke Tadika Bina HIKMAH, Pusat Pemulihan Samarahan, Pusat Pemulihan Dalam Komuniti Samarahan, Sekolah Kebangsaan Pendidikan Khas Kota Samarahan, Persatuan Kanak-Kanak Terencat Akal (PERKATA) Sarawak, Pusat Pemulihan Dalam Komuniti PIBAKAT 2 serta Persatuan Disleksia Sarawak.